

金石古文



2521

金
石
古
文

楊
慎
輯

中
華
書
局

叢書集成初編

金石古文

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

金石古文

此 據 函 海 本 影 印
初 編 各 叢 書 僅 有
此 本

金石古文叙

西蜀楊子勇精載籍窮索蟲
奧所著凡鉛餘錄古文韻語
韻林原訓及所選采樂府律
祖諸篇踵躋增華變辭加厯
間多肯賢所塗發茲東集金

石古文九十四卷歐陽子讀
藻艸閣頌醴醴關止潮澤旋
朝陽之平滲莫究厥旨楊子
類引分鮮焯朕可諧豈非負
胥純賤淦用苦力者幾衛泉
孟學摹本漆善予茲述行也

暇更綴班畫謀諮漢中李守
重刑焉祔餘皇猷其能羈禎
助崇明嘉靖貳十貳季仲冬
望四賜進士第率勅巡按陝
監察御史永嘉省菴孫昭書



金石古文卷一

成都 楊 慎 輯 綿州 李調元 校定

倉頡陽虛山丹甲青文石刻

上天垂命皇辟迭王

按河圖玉板云倉頡爲帝南巡登陽虛之山臨
于元扈洛汭之水靈龜負書丹甲青文以授之
文棍二十八字景刻于陽虛之石室李斯止識
八字曰上天垂命皇辟迭王今已不可尋矣
慎按爲帝南巡作一句爲音去聲言奉黃帝命
而代之南巡也

衡山雲密峯神禹碑

承帝曰嗟翼輔佐卿水處

讀作洲渚

與登鳥獸之門參身

洪流而明發爾興久旅忘家宿岳麓庭智營形折心
罔不辰往求平定華岳泰衡宗疏事哀勞餘伸禋鬱
塞昏徙南瀆衍享衣制食備萬國其寧竄舞永奔

徐靈期衡山記云夏禹導水通瀆刻石書名山
之高鄴道元水經注云禹治洪水血馬祭衡山
於是得金簡玉字之書按省玉字通水理也或
曰此卽金簡玉字之文云劉禹錫寄呂衡州化
光詩云傳聞祝融峯上有神禹銘古石琅玕姿

秘文龍虎形崔融云於鑠大禹顯允天德龍畫
傍分螺書匾刻韓退之詩岫嶠山尖神禹碑字
青石赤形模奇又云千搜萬索何處有森森綠
樹猿猱悲蓋亦求之而未得見也宋朱晦翁張
南軒同遊南嶽尋訪不獲其後晦翁著韓文考
異遂謂退之詩爲傳聞之誤蓋以耳目所限爲
斷也王象之輿地紀勝云禹碑在岫嶠峯又傳
在衡山縣雲密峯昔樵人曾一覩之自後無復
可尋宋嘉定中蜀士有好奇者不憚高峻始陟
其所乃濡紙脫其文七十二字刻于夔州觀後

亦磨滅近張季文僉憲在長沙得之云是宋嘉定中何致字子一者模刻于嶽檠書院斯文顯晦信有神物護持哉昔人好古如韓劉朱張求一見而不可得余流辟裔土乃獲坐玩之亦奇且幸矣遂拓刻之安寧州法華山之晚照峯仍建亭曰岫樓亭

廬山紫霄峯石穴中禹刻

鴻荒漾余乃櫓

地輿志江西廬山紫霄下有石室中有禹刻篆文有好事者縋而入摹之凡七十餘字止有鴻

荒漾余乃儻可辨餘不可識慎又觀水經注云
廬山之南有上霄石膏壁緬然與霄漢連接上
霄之南大禹刻石志其里數丈尺今猶得刻石
之號焉又云九江中孤石在落星石傍介立大
湖中周迴一里竦立百丈上生林木而飛禽不
集耆舊相傳昔禹治水至此刻石紀功又云會
稽覆釜山亦有堯碑禹篆十二字福建莆田縣
陳崑山有自然仙篆以紙摹之形類禹刻何耆
詩鳥書蟲文不可識如讀岫嶁神禹碑禹之遺
跡靈秘如此號曰神禹抑有由矣

商鼎銘

嗛嗛之德不足就也不可以矜而祇取憂也嗛嗛之
食不足扭也不能爲膏而祇離其咎也

比干墓銅盤銘

右林左泉後岡前道萬世之靈茲焉是寶

金石古文卷一

金石古文卷二

成都 楊 慎 輯 綿州 李調元 校定

周宣王石鼓文

我車旣攻我車旣同我車旣好我馬旣駘君子云獵
云獵云遊麇鹿速速君子之求彎彎鹵弓弓茲以時
我驅其時其來騶騶德德貞卽御卽時麇鹿速速其
來大塗我驅其來德德射其豚屬

右甲鼓

汧繁泛泛丞彼潮淵鰓鯉處之君子漁之漫漫有鯈
其遊徹徹白魚鱗鱗其蒞底鮮黃白其鰓有鮒有白

其胡孔庶鬻之𩇑𩇑洋洋趨趨其魚惟何惟鱣惟鯉
何以棗之惟楊及柳

右乙鼓

田車孔安鑒勒駟駟六師旣簡左驂翻翻左驂驩驩
我以隄于原我戎止陸官車其寫秀弓時射麋豕孔
庶麇鹿雉兔其原有連其戎奔奔大車出洛亞獸白
澤我執而勿射多庶遴遴君子乃樂

右丙鼓

帥彼鑾車忽速填如秀弓孔碩彤矢笑笑四馬其寫
六轡沃若徒駢孔庶廓騎宣博曾車載道如徒如章

原隰陰陽赳赳六馬射之簇簇有驅如虎獸鹿如兕
怡爾多賢迪禽奉雉我兕允異

右丁鼓

我來自東霑雨奔流逆湧盈盈渫隰君子既涉我馬
流汧汧繁洎淒丞士駕言西歸舫舟自廓徒駢遠連
惟舟以道或陰或陽極深以戶出于水一方丞徒徨
止其奔我以阻其乃事

右戊鼓

宣猷作原作周導遄我辭攸除帥被阪田莽爲世里
希微穢乃罟漆粟柞械其拔櫓楮庸鳴條亞若其